

BOSNA I HERCEGOVINA
FEDERACIJA BOSNE I HERCEGOVINE
ZENIČKO–DOBOJSKI KANTON
KANTONALNO TUŽILAŠTVO
ZENIČKO–DOBOJSKOG KANTONA

Broj: T04 0 KT 0068935 26
Zenica, 10.06.2026. godine

OPĆINSKOM SUDU U ZENICI
ZENICA

Na osnovu člana 45. stav 2. tačka i), člana 241. stav 1. Zakona o krivičnom postupku
F BiH, p o d i ž e m

O P T U Ź N I C U

Protiv:

A. H. S., osuđivan,

što je,

Dana 25.03.2026. godine u jutarnjim satima, na području grada Z., u ulici G., nasiljem i drskim ponašanjem ugrozio građanski mir drugih lica na način da je prišao štandu S.J. i M., te se obratio J. tražeći od njega pojašnjenje da li je on maltretirao njegovo dijete, pri tome počeo da viče i galami, nakon čega je desnom rukom i to zatvorenom šakom zadao udarac J. u predjelu nosa i gornje usne, od kojeg udarca je J. pao na tlo, a potom ponovo pokušao da ga udari, ali ga je u tome spriječila J. supruga M. koja se naguravala sa istim, iako je znao i bio svjestan da na opisani način ugrožava građanski mir drugih lica i da uslijed navedenog udarca kod J. mogu nastupiti lake tjelesne povrede, što je i htio, nakon čega je uputio prijetnje J. i M. sljedećeg sadržaja: „J*** li vam majku, ubit ću vas, svaki dan ću te dolaziti tući“, koje prijetnje su kod njih izazvale strah i uznemirenje, svjestan da na ovaj način ugrožava sigurnost drugih osoba, što je i htio, na koji opisani način su kod J. nastupile lake tjelesne povrede u vidu nagnječenja u predjelu lica i nosa i preloma krunice jednog zuba u gornjoj vilici,

Dakle, nasiljem i drskim ponašanjem prema drugima ugrozio građanski mir kojom prilikom je jedna osoba lako tjelesno povrijeđena, odnosno ozbiljnim prijetnjama ugrozio sigurnost više osoba,

Čime je počinio krivično djelo Nasilničko ponašanje iz člana 362. stav 2., u vezi sa stavom 1. KZ F BiH u sticaju sa krivičnim djelom Ugrožavanje sigurnosti iz člana 183. stav 2. u vezi sa stavom 1. KZ F BiH, sve u vezi sa članom 54. KZ F BiH.